



Paurus patriam habuit Tabernas Rhenanas, oppidum in Palatinatunon procul à Bretta, uulgò Reinzaber en dictum. Natus est anno salutis humanæ millesimo quingentesimo quarto, patre Petro Buchleſn eius oppidi ludimoderatore, & annis multis Grammatæo, matre uero Margaretha Hirnīn, quæ ex Heinrico Hirn strenuo milite prognata fuit. Cum autem Paulus fœlici ingenio esset præditus, literarum prima rudimenta in schola paterna utcunque iecit, ac ætatis anno undecimo, octo batiorum uiatico, pro more eius seculi, instructus, à patre suo studiorum ergò Heidelbergam ablegatus est. Ibi sub Iohanne Brentio & Martino Frechto, alijsqué doctissimis præceptoribus longo tempore diligenter operam literis dedit, & plurimum profecit. Adolescens uero factus annotum circiter octodecim Argentinam se contulit, atque ibi per aliquot annos Pædagogi munere functus est, quò inopiam suam subleuaret, & optatum literarum cursum continuare posset. Sub hoc tempus linguarum studium in Germania emigere cœperat, atque Vuolfgangus Capito quartuor linguarum peritus Institutionum Hebraicarum libros duos, rarissimo exemplo, euulgarat. Indæi etiam aliquot hinc inde uagabantur, & suam linguam alios utcunque docere cœperunt. Occasionem hanc Fagiuss arripiens, Hebraicæ linguæ studio se ferè totum mancipauit, atque ita in familiaritatem Capitonis, Hedionis, Buceri, & Zelli Theologorum peruenit.